

全
華
叢
書



金華叢書



大事記解題卷八

宋呂祖謙撰

郡後學胡鳳丹月樵校梓

秦二世元年郎中令

解題曰按前漢百官表郎中令秦官掌宮殿掖門

戶

臣瓚曰主郎內諸官故曰郎中令括蒼鮑氏曰郎與廊同按戰國策梧下先生見魏王趨出至

郎門而反所謂郎門即廊之門也又按戰國策段產謂秦新城君曰今臣處郎中能無議君于王而不能使人無議臣與君然則秦昭王之時已有郎中之名其職蓋已親近矣

屬官有大

夫郎謁者皆秦官大夫掌議論有大中大夫中大夫皆無員多至數十人郎掌守門戶出充車騎有

議郎中郎侍郎郎中皆無員多至千人

後漢志凡郎官皆主

更直執戟宿衛諸殿門出充車騎唯議郎不在直中按戰國策荆軻逐秦王諸郎中執兵皆殿下非有詔不得上又按滑稽傳優旃呼中郎有五官左

右三將秩皆比二千石

後漢志五官中郎將一人主五官郎五官中郎比六

百石五官侍郎比四百石五官郎中比三百石左中郎將主左署郎府次五官中郎比一百石侍郎比四百石郎中比三百石右中郎將主右署郎中比六百石侍郎比四百石郎中比二百石三郎並

無所謂三署五官署左右署也所謂三郎中郎侍郎郎中

郎郎中也二世以罪過連逮少近官三郎無得立

者即謂此也

史記索隱曰三郎謂中郎外郎及散郎按孝惠帝詔曰中郎郎中滿六歲

爵三級四歲一級外郎滿六歲二級蘇林曰中郎
省中郎也外郎散郎也是散郎卽外郎不當分爲
二

尊始皇帝廟

解題曰二世下詔令羣臣議尊皇帝廟羣臣皆頓
首言曰古者天子七廟諸侯五大夫三雖萬世不
軌毀今始皇爲極廟四海之內皆獻貢職增犧牲
禮咸備毋以加先王廟或在西雍或在咸陽天子
儀當獨奉酌祠始皇廟自襄公已下軌毀所置凡
七廟羣臣以禮進祠以尊始皇廟爲帝者祖廟

東行郡縣

解題曰按本紀二世與趙高謀曰朕年少初卽位
黔首未集附先帝巡行郡縣以示彊威服海內今
晏然不巡行卽見弱毋以臣畜天下春二世東行
郡縣餘見通鑑

更爲法律

解題曰以秦法爲疎更密之也

公主

解題曰如淳曰公羊傳曰天子嫁女於諸侯必使

諸侯同姓者主之故謂之公主

漢百官表皇后公主所食曰邑如淳

曰帝姊妹曰長公主諸侯女曰翁主顏師古曰天子不親主婚故謂之公主諸王即自主婚故謂之翁主翁者父也言父主其婚也亦曰王主言王自主其婚也

復作阿房宮

解題曰按本紀二世還至咸陽曰先帝爲咸陽朝

廷小故營阿房宮爲堂室未就會上崩罷其作者

復土酈上

史記正義曰謂出土爲陵既成還復其土故云復土

酈山事大畢

今釋阿房宮弗就則是章先帝舉事過也夫爲人

臣子而章其君父之過非所以事先帝也於是復

作阿房宮外撫四夷如始皇計盡徵其材士

史記正義

曰謂材官五萬人爲屯衛咸陽

滅衛廢其君爲庶人

解題曰衛姬姓自康叔受封

史記正義曰康畿內國名也宋忠云康叔

徙衛

至君角凡四十世接前漢地理志衛地營室

東壁之分野也今之東郡及魏郡黎陽河內之野

王朝歌皆衛分也衛本國旣爲狄所滅文公徙封

楚邱三十餘年子成公徙於帝邱今之濮陽是也

成公後十餘世爲韓魏所侵盡正其旁邑獨有濮

陽後秦滅濮陽置東郡徙之於野王今懷州始皇既

并天下猶獨置衛君二世時乃廢爲庶人凡九百年最後絕故獨爲分野衛地有桑間濮上之阻男女亦亟聚會聲色生焉故俗稱鄭衛之音周末有子路夏育民人慕之故其俗剛武上氣力其失頗奢靡嫁娶送死過度而野王好氣任俠有濮上風秋七月發間左戌戌卒陳勝起兵於蘄據陳自立爲楚王諸郡縣皆殺其咸陽長吏以應楚

解題曰按晁錯傳秦時北攻胡貉築塞河上南攻

揚粵置戍卒焉夫胡貉之地積陰之處也木皮三寸冰厚六尺食肉而飲酪其人密理鳥獸毳毛其性能寒揚粵之地少陰多陽其人疏理鳥獸希毛其性能暑秦之戍卒不能其水土戍者死於邊輸者僨於道秦民見行如往棄市因以謫發之名曰謫戍先發吏有謫及贅壻賈人後以嘗有市籍者又後以大父母父母嘗有市籍者後入閭取其左應劭曰秦先發吏有過及贅壻賈人後以嘗有市籍者又後以大父母父母嘗有市籍者發戍者曹輩盡復入閭取其左發之未及取右而秦亡師秦古曰閭里門也言居在里門之左者一切發之秦

之發卒也有萬死之害而亡銖兩之報死事之後

不得一算之復天下明知禍烈及己也陳勝行戍

至于大澤爲天下唱先天下從之勝少時嘗與人傭耕輟耕之壟

上悵然甚久曰苟富貴無相忘傭者笑而應曰若爲傭耕何富貴也勝太息曰燕雀安知鴻鵠之志

哉二世召博士諸儒生問曰楚戍卒攻斬入陳於

公何如秦焚書坑儒之後大博士諸生三十餘人

前曰人臣無將將卽反罪死無赦願陛下急發擊

之二世怒作色叔孫通前曰諸生言皆非也夫天

下合爲一家毀郡縣城鑠其兵以示天下不復用

且明主在其上法令具於下使人人奉職四方輻
輳安敢有反者此特羣盜鼠竊狗盜耳何足置之
齒牙間郡守尉今捕論何足憂二世喜曰善盡問
諸生諸生或言反或言盜於是二世令御史按諸
生言反者下吏非所宜言諸言盜者皆罷之乃賜
叔孫通金拜爲博士是時發間左戌咸陽陳勝吳
廣皆爲屯長會天雨失期法當斬乃謀舉事召徒
屬爲壇而盟自立爲將軍攻斬下之復入據陳耳
餘上謁涉見之大喜耳因請兵畧趙地至諸縣說

其豪傑曰秦爲無道使天下父子不相聊今陳王奮臂爲天下倡莫不嚮應縣殺其令丞郡殺其守尉於此時而不成封侯之業者非人豪也豪傑皆然其言餘見通鑑

楚周文將兵數十萬人函谷關軍於戲秦大赦使少府章邯將鄴山徒擊之周文敗走出關軍曹陽

解題曰周文

本記作周章

嘗爲項燕軍視日事春申君

陳王與之將軍印西擊秦收兵至關卒數十萬至

戲軍焉

孟康曰戲水名也蘇林曰在新豐東南三十里顏師古曰其水本出藍田北界橫嶺

至此而凡流入渭史記正義曰括地志云戲水源出雍州新豐縣西南驪山今新豐縣東北十一里

戲水當官道即秦令少府章邯免酈山徒人奴產其處戲許宜反

子顏師古曰奴產子猶今人云家生奴也悉發以擊楚周文敗走出

關止次曹陽晉灼曰在宏農東十三里史記正義曰曹陽亭名在宏農東魏武

帝改曰好陽括地志云在陝西桃林縣東餘見通鑑

武臣自立爲趙王

解題曰張耳陳餘聞周章軍入關至戲卻又怨陳王不用其策不以爲將而以爲校尉乃說武臣自

立

九月沛人劉邦起兵於沛

解題曰沛父老殺沛令開城門迎劉季欲以爲沛

令劉季曰天下方擾諸侯並起令置將不善一敗

塗地吾非敢自愛恐能薄不能完父兄子弟此大

事願更相推擇可者蕭曹等皆文吏自愛恐事不

就後秦種族其家盡讓劉季乃立季爲沛公

漢書音義

曰舊楚僭稱王其縣宰爲公陳涉爲旗幟皆赤

徐廣

曰高祖年

以蕭何爲丞督事

何給泗水卒史事第

入言徵何何固請得毋行然則秦監御史亦如漢刺史時入京師奏事也

餘見通鑑沛

者本秦泗水郡之屬縣豐者沛之聚邑今爲徐州

沛縣

豐卽豐縣也

下相人項梁起兵於吳

解題曰項梁嘗有櫟陽逮捕乃請斬獄掾曹咎書

抵櫟陽獄掾司馬次以故事得已

秦法雖峻然吏之關通請求自

若也避仇吳中每吳中有大繇役及喪項梁嘗爲主

辦陰以兵法部勒賓客及子弟以是知其能旣斬

會稽守部署吳中豪傑爲校尉候司馬有一人不

得用自言於梁梁曰前時某喪使公主某事不能

辨以此不任用兵眾乃皆服餘見通鑑下相屬漢
臨淮郡

楚立周市爲魏王市不受

解題曰按月表二世元年九月魏王咎始咎在陳
不得歸國二年十二月陳涉死咎自陳歸立蓋周
市據魏虛位四月以待咎也

番陽令吳芮聞越東越

解題曰按漢書本傳芮秦之番陽令也甚得江湖
間民心號曰番君天下之初叛秦也黥布歸芮芮